



UNIVERSITÄTS-
BIBLIOTHEK
PADERBORN

Universitätsbibliothek Paderborn

Conciliorvm Omnivm Generalivm Et Provincialivm Collectio Regia

Ab anno MCLXXXI. ad annum MCCCXIV.

Parisiis, 1644

Epistola I. Martini Papae IV. Ad Fratres Minores. Eis priuilegium concedit
praedicandi, & confessiones audiendi.

urn:nbn:de:hbz:466:1-15974

ris Viterpii coronari recusauit, quod propter violentiam illatam illa vrbs interdicto subiaceret. Sed Oruieti Martii inauguratus est : ipso die paschæ sex cardinales creauit .Carolus rex Siciliae ibi eum inuisit , eique senatorialm dignitatem, non sine aliqua ignominia nota, restituit. E familia Vrsinorum cardinalem Romam misit, qui Vrsinos cum Hannibaldis reconciliauit : vbi Richardus, laqueo in collum iniecto , ad pedes cardinalis humiliter se dimisit. Cumque Romanis concessisset, vt duos senatores deligere possent, Hannibaldus Petri, Hannibaldi filius , & Pandulphus Gabellus electi fuere. Palæologum, quod promissis in reconciliatione ecclesiae Græcæ cum Latina factis non stetisset , & Perusinos, quod de facto Fulgentium inuasissent & contriuissent , Petrum etiam Aragoniæ regem, ideo quod a tempore pacis, se auctore cum Carolo factæ, regnum Neapolitanum diuexare, Siciliamque adiutus viribus Ioannis Procidae, auctoris illius truculentissimæ stragis, quam vesperas Sicilianas vocant, occupare non desineret, excommunicauit. Tandem Perusii, quo ipse propter certos tumultus inter Gibellinos & Guelphos exortos se contulit , morbo correptus , anno 1285. animam Deo reddidit , ac in ecclesia cathedrali sepultura honorem accepit, dum annis quatuor, mense vero, septemque diebus ecclesiæ præsedisset. Ad eius sepulcrum plurimi ægroti, claudi ac cæci in eius sanctitatis testimonium sanitati restituti sunt.

EPISTOLA I.

MARTINI PAPÆ IV.
AD FRATRES MINORES.

Eis priuilegium concedit prædicandi, & confessiones audiendi.

Martinus episcopus seruus seruorum Dei dilectis filiis ministro generali, & prouincialibus ministris ordinis fratrum Minorum, salutem & apostolicam benedictionem.

Ad fructus vberes, quos in agro dominico, prædicando pariter & exemplo , confessiones audiendo , & per

MARTINI PAPÆ IV. EPISTOLÆ. 609

per alia virtutum exercitia satis ordo vester, & humiles ipsius ordinis professores produxerunt haec tenus, & sperantur in futurum, Deo auspice, producturi, attentæ considerationis aciem conuertentes, vt fratres eiusdem ordinis prædicationis & audiendi confessiones officia eo liberius & efficacius exequi valeant, quo citius de ipso rum circa eadem de auctoritate apostolica constabit tibi, fili, ministro generali per te, vobis vero prouincialibus ministris cum diffinitoribus in prouincialibus vestris capitulis congregatis, committendi auctoritate apostolica fratribus eiusdem ordinis sacra pagina eruditis, examinatis & approbatis a vobis, prædicationis officium, audiendi vero confessiones, absoluendi poenitentes, salutares eis iniungendi poenitentias, & fratribus alias idoneis concedendi: eisdem quoque saepe fati ordinis, quibus dicta officia per vos taliter concessa seu commissa fuerint, quod eadem libere valeant exercere, plenam damus & concedimus auctoritate præsentium facultatem; districtius inhibentes, ne quis fratres ipsius ordinis, quibus dicta officia taliter concedenda duxeritis, vt præmittitur, siue etiam committenda in exercitio siue executione officiorum ipsorum, audeat quomodolibet impedire. Volumus autem quod hi, qui fratribus confitebuntur eisdem, suis parochialibus presbyteris confiteri faltem semel in anno, prout generale Concilium statuit, teneantur. Quodque iidem fratres eosdem ad hoc diligenter & efficaciter secundum datam eis gratiam a Domino exhortentur. Nulli ergo omnino hominum liceat hanc paginam nostræ concessionis & inhibitionis infringere, vel ei ausu temerario contraire. Si quis autem hoc attentre præsumpsérit, indignationem omnipotentis Dei, & beatorum Petri & Pauli apostolorum eius, se nouerit in cursurum.

Datum apud Vrbem veterem quarto Idus Ianuarii,
pontificatus nostri anno primo.

Concil. Tom. 28.

H h h h